

DURNYAŃ KIKÉ BE KEYILI KPRA TA LAŃÉ DIMEDI KIKÉ BE KUMU SO BE ASHYEŃ
NÉ MOBE KASHINTEŃ AKPA

ASHEŃFESO

Kepin né kemaŋkura, dimedi be eyilikpa né mobe kumu so be asheŋ e la mobe
kashinteŋ né eyur-wushi be egbel-tulwase.

Kedo né kekplaŋ dimedi be kashinteŋ ere so e naa bra barkoŋe, a duu mfera lubi
dimedi be kumu to, n naŋ shi né durnyaŋ to dimedi bu kebaa malga yelyela,
eboreshuŋ, kayeŋi-yeŋi né kanye kii asheŋ kpakpa so bebolpo kuto.

Ku daga fane awura-sheŋ be mbra ka bee kuŋ dimedi be kashinteŋ n sa maa shi né
eko maa kini mo barkasa nko a nyaŋ mo.

A daga keteŋi efuli-ana be kakurwe kelepo so.

Yunated Neshin be baasa sa yerda kawol to ta a laŋe baasa be kashinteŋ-kpra né
bumode eyilikpa né bu tiŋ teŋi bumobe kachena né kebawoto lela be akpa so.

Efuli-ana né a wo konoŋwole ere to bo ntaŋ fane baŋ pe abar be nsher to n nya
bunyaŋ né kemaŋkur kashinteŋ ere to.

Ekama be kepin kashinteŋ né kumu so be asheŋ ere e la demu kpra né ku beenŋ che to
n teŋi ntaŋ ere so. Naniere, kumo so.

Durnyaŋ kike be nsher gboŋ nna yili dimedi kike be kumu so be asheŋ né kashinteŋ
ere.

Amuso, Kamalga ere to

BEE ŃINI FANE "GENERAL ASSEMBLY" BEE

Kaŋe ekama fane kayili né kuwo kawol ere to la amo né a beenŋ woro anfaani nsa
ekama mo ne ewo efuli nna so. Ekama nta n-ya mata durinya kike be mmalga yiliso
so. Adaga efuli kike eshuli n sa kamalga mo né kuwo kawal ere to nta kumo nki
kapate nsa anye. Nsa né kamalga ere eluri efuli kike nene: epeŋi petekpa, epeŋi-
torkpa, banaso, jisaso kuso né adaga anye kike ewuro nna ela.

Demu 1

Bu kurwe dimedi kike mobe kumu so, né mobe, eyilikpa, kesheŋ né kashinteŋ maŋ kor
eko peye to. Nyinpela sa dimedi kike lakal né mfera fane bu chena abarso kelepo so.

Demu 2

Ekama ko ekpa ta a laŋe kashinteŋ ere kike né kumu so be asheŋ né a wo keyili kpra
ere to né nkpieto kike maŋ woto ashi yiri, kawol be ndu li, kenyeŋ/keche, ngbar, ebore
shuŋ, kumu be kekeni nko lakal ko, efuli so nko kebawoto be ekpa so, kapite, kakurwe
nko eyilikpa ko be kabaso.

N naŋ tii so, nkpieto kike e sa maŋ woto ta a yo kumu be kekeni to, demu-ji to, nko
efuli né fo shi be eyilikpa durnyaŋ to né loŋ be efuli nna suwe kumo kumu a keni
kumo kumu so, nko efuli ko e naa keni kumu so ekpa ko so.

Demu 3

Ekama kɔ kashenteɲ nɛ mobe efute nɛ mobe kumu be kekuɲ.

Demu 4

A maɲ daga nɛ eko e baa wɔ kenyaɲa nko kanyaɲ to. Kenyaya, kenya-to nɛ kenya-fa be ekpa kama so daga ku ju.

Demu 5

A maɲ daga bu ka nyaɲ eko nko n woto mo ebasa to, nko n gberge mo kusoe.

Demu 6

Ekama kɔ kashinteɲ, kapɛ-kama nɛ e wɔ nɛ bu pin fanɛ esa e la mo mbra be ekpa so.

Demu 7

Ekama na la kukoɲwule nna mbra be ekpa so, a daga nɛ mbra na e kuɲ ekama nɛ nkpieto maɲ woto.

Demu 8

Ekama kɔ kashinteɲ nɛ bu yolge mo ashi efuli na be demu-ji akpa nɛ e ya do kashinteɲ kpɛra nɛ mbra yili mo nna so.

Demu 9

Ekama maɲ daga nɛ bu pɛ mo jiga-jiga so, nko nɛ bu tii mo ebu nko n ju mo jiga-jiga so.

Demu 10

Ekama kɔ ekpa nɛ edemu-ji kpa nɛ a wɔ amobe amu so, a maa kpɛ to na nɛ a mige mo to nɛnɛ nɛ jama kike e nu ta a laɲɛ mobe kashinteɲ, asheɲ daga so nɛ kusoe gberge nɛ baɲ sa mo.

Demu 11

Ekama nɛ bu fa fo, fo kɔ kashinteɲ nɛ fo keni kefa nna, amɔ bu ji na mbri fo mbra be ekpa so jima to nɛ fo maɲ tiɲ che fo kono.

A maɲ daga nɛ bu fa ekama nkpal kesheɲ nɛ ku maɲ daga kusoe gberge so ashi efuli na nko efuli-ana kike be mbra so, saɲɛ nɛ e wɔɔ la be kesheɲ na. A maɲ naɲ daga nɛ bu gberge esa kusoe nɛ ku baa cho kumo nɛ bu junkpar n sa mo saɲɛ nɛ e wɔɔ loɲ be kesheɲ nna.

Demu 12

A maɲ daga nɛ fo luri fo barkasa be asheɲ to jigajigaso, mo dawule, mobe keyale nko mobe keɔaya akpa, nko nɛ fo tige fo barkasa be jilma nɛ mobe eyilikpa so. Ekama kɔ kashinteɲ nɛ mbra na e kuɲ mo ashi baasa be kebaa luri mobe asheɲ to nɛ ketige nko nduwe mobe jilma so.

Demu 13

Ekama kɔ kashinteɲ nɛ e baa nite mobe kumu so yelyela n naɲ tiɲ chena mobe efuli so.

Ekama kɔ kashintɛn nɛ e ler efuli kikɛ so, nɛ mobe efuli so gba n naŋ tiŋ m beta m ba mobe efuli so.

Demu 14

Ekama kɔ kashintɛn nɛ e yɔ efuli ko so n ya mɔlwe mobe kumu.

Nɛ bu fa esa kumobe ekpa so nkpal ashuŋ lubi nɛ e maa liɛ efuli na be kumu be kekeni be ekpaso nko asheŋ nɛ a bee dɔɔ kɔnɔkoŋwule be mbra na so, le be kashintɛn maŋ wɔtɔ.

Demu 15

Ekama kɔ kashintɛn nɛ e shi efuli ko so.

A maŋ daga kekini eko mobe efuli so be keshi jiga-jiga nko n kini mobe kechɛrga efuli nɛ e shi na so.

Demu 16

Benyen nɛ beche ya bulɔ, bu kɔ kashintɛn nɛ bu kil n tanɛ kanaŋ nɛ sheŋ maa kuŋ bumo fanɛ yiri, efuli nɛ bu shi na so, nko kananɛ baa bunyaŋ ebɔrɛ. Bu kɔ kashintɛn koŋwule ashi kakil to nɛ kakil gbeni so to.

Pɔɛ nɛ baasa e kil abar, a daga nɛ bumo-wura-ana be kenyi kikɛ e baa wɔ kakil na to.

Kanaŋ la ebɔrɛ so be kesheŋ na n naa la baasa to be katun junkpar po nɛ a daga nɛ jamaa nɛ efuli kikɛ e baa kuŋ kumo.

Demu 17

Ekama kɔ kashintɛn nɛ e baa kɔ mobe kumu so be kapitɛ nko mo nɛ mo bra-ana.

A maŋ daga kepuni nko m mon eko mobe kapitɛ.

Demu 18

Ekama kɔ mobe kumu so be mfera be kashintɛn, lakal nɛ kananɛ e bee bunyaŋ ebɔrɛ. La be kashintɛn tii mobe kechɛrga kananɛ e bee bunyaŋ ebɔrɛ nko mobe yerda, nɛ mobe kumu so be keshuŋ ebɔrɛ-shuŋ mo nawule nko mo nɛ mo bra-ana.

Demu 19

Ekama kɔ mobe mfera nɛ kamalga be kashintɛn. La be kashintɛn tii kumu so be mfera be kefɛ nɛ sheŋ maa kuŋ mo, e naa kɔ mobe kashintɛn nɛ e fin, n nya nko n sa keɔaya nɛ lakal ekpa kikɛ so nɛ mbarga kikɛ maŋ wɔtɔ.

Demu 20

Ekama kɔ mobe kashintɛn nɛ e ba wɔ kagbenewushi be nsher to.

Bu maa nyaŋ eko a wɔtɔ nsher ko to.

Demu 21

Ekama kɔ kashintɛn nɛ e baa wɔ efuli so be awura-sheŋ to mo gbagba nko nɛ bu lara ba sa yelyɛla so nɛ bu yili bumo be ntilemu.

Ekama kɔ kashintɛn nɛ eji mobe efuli so be kusɔnɛ ku la ekama peyɛ be tunɔ kananɛ eko gba beɛn ji kumobe tunɔ nna.

Baasa be aparshɛn a daga a ka la awura-shɛn be egbel tulwase la be aparshɛn daga nɛ a shi saɲɛ saɲɛ be kɔnkɔn be kelɛ kashintɛn be ekpa so n naa la ekama be keshɛn nɛ baa lɛ kɔnkɔn nna kegblando nko kumo nɛ ku be kɔnkɔn be kelɛ be mbra so.

Demu 22

Fo kama nɛ fo wɔ baasa to, fo kɔ kashintɛn nɛ baasa e kuɲ fo, a daga nɛ fobe efuli so nɛ efuli-ana kikɛ ka pɛ abar be kasher to, efuli-ana be keblase to nɛ amobe kapitɛ be albarka to nɛ fo nya eyilikpa nɛ nan̄kur nɛ ku daga fo dimedi nɛ dankare be ekpa so.

Demu 23

Ekama kɔ kashintɛn nɛ e shuɲ kushuɲ, nɛ e fin mobe kumuso be kepar ke Kushuɲ n nan̄ shuɲ kushuɲ mbra be ekpa so n nan̄ kuɲ mobe kumu ashi ketase fulon̄ to.

Ekama kɔ kashintɛn nɛ bu ka mo kakɔka koɲwule nɛ kushuɲ koɲwule nɛ nkpiɛto kikɛ maɲ wɔto.

Ekama kɔ kashintɛn nɛ e ji mobe kushuɲ be tunɔ, mo nawule nko mo nɛ mobe keyale nɛ e naa wɔ kebawɔto nɛ ku daga dimedi, n nan̄ fin kechɛto ko nɛ ku daga ashi baasa kuto.

Ekama kɔ kashintɛn nɛ e baa wɔ beshumpo be kɔnɔkoɲwule to nɛ bu baa kuɲ mobe aparshɛn.

Demu 24

Ekama kɔ kashintɛn nɛ e wushi ashi mobe kushuɲ akpa nɛ mobe ketase fulon̄ to, kushuɲ na be jemanɛ e sa maɲ pɔɔ eshumpo na so nɛ e nan̄ nu ebel ashi saɲɛ saɲɛ be ewushi nɛ ku kɔ kakɔka.

Demu 25

Ekama kɔ kashintɛn nɛ e ba wɔ kebawɔto lɛla to, mo nɛ mobe keyale, ta alaɲɛ eyur be alemfia, ajibi-ji so, asɔ-buuso, kowu chena so to nɛ kusɔ kama nɛ ku la jamaa peyɛ, e naa kɔ kashintɛn nɛ e kuɲ mobe kumu saɲɛ nɛ e maɲ naa wɔ kushuɲ to, nɛ e ka wɔ kulo to, nɛ kekulwu to, nɛ kenimu to nko kebawɔto ko nɛ ku maɲ duli mo.

Kenio to nɛ kebia to, kikɛ daga kekeni so nɛnɛ n nan̄ daga keche to. Mbia nɛ bu kurwe kakil to nko kejipo to daga kakuɲ koɲwule.

Demu 26

Ekama kɔ kashintɛn nɛ e nya kebala nɛ kabii. Kebala nɛ kebii daga nɛ bekekarso na e nya kumo yelyɛla. Kebala nɛ kebii kekarso beɛn ba la boshinɛ. A daga ekama ka nya enɔ to nɛ broni be ashuɲ be kebala nɛ kebii; benimu malɛ be kebala nɛ kebii malɛ daga nɛ ku be kenyi so.

Kebala nɛ kebii beɛn liɛ dimedi be eyur kudu-anyɔ kikɛ, n nan̄ wɔto elɛn̄ to, jilma ta a laɲɛ dimedi be kashintɛn nɛ mobe kumu so be asheɲ kpɛra ere. Ku beɛn teɲi kenu-n-sa-abar so, kanyiti nɛ kenakpa efuli-anan̄ to, yiri nko ebɔrɛ be beshumpo be ntun̄so-ana to, n nan̄ teɲi. Durnyaɲ be efuliana be kɔnɔkoɲwule be kebawɔto kikɛ nɛ kan̄bene wushi e baa wɔto.

Benawura-ana kɔ kashintɛn nɛ ekpa nɛ bu lara kebala nɛ kebii be ekpa nɛ ku daga bumobe mbia.

Demu 27

Ekama kɔ kashintɛn mobe kumu so nɛ e tiŋ wɔrɔ mobe baasa be adankaresheŋ n naŋ tiŋ ji adankare be asɔ lɔŋɛ so nɛ kabre be kache be kinishi buwi be kenyi be tunɔ.

Ekama kɔ kashintɛn nɛ ekpa nɛ e kuŋ mobe kumu so nɛ kebelɛn be kushuŋ.

Demu 28

A daga nɛ ekama e nya dimedi nɛ efuli-ana kike be kebawɔtɔ, nɛ kashintɛn nɛ kumu so be asheŋ nɛ a wɔ keyili kpɛra ere to e kurwe ebi lɛla.

Demu 29

Ekama kɔ mobe kushuŋ baasa to, bumo to nɛ e bee kii esa lɛla.

Nɛ esa bee bo mobe kashintɛn nɛ kumu so be asheŋ so a daga nɛ e baa de mbra so, saŋɛ na so e maŋ tɔr mo barkasa ko be geshi to, lɔŋ e been wɔrɔ kusɔnɛ ku daga nɛ asheŋ e be abar so nɛnɛ nɛ ye-nɛ-n-ye be kebawɔtɔ e nya edesekpa baasa to.

Kashintɛn nɛ kumu so be asheŋ ere maŋ daga ku wɔrɔ amo m foe ekpa kanane durnyaŋ be efuli-ana be kɔnɔkɔŋwule yili kumo nna.

Demu 30

Sheŋ maŋ wɔ kawol ere to a ŋini fanɛ efuli ko pkelɛn, baasa nko esa ko dawule peye nna, amoso eko maŋ kɔ ekpa nɛ e wɔrɔ kesheŋ ko nɛ ku been jija kashintɛn nɛ kumu so be asheŋ nɛ a wɔ kawol ere to.